

## RISTTALAČČAT ROHKADALLET IPMILII

Rohkadallan lea dehálaš oassi das ahte leat risttalaš. Rohkadallan lea ságastit Ipmiliin. Rohkadallamis sáhhtá juohkehaš leat rehálaš ja buktit ovdan sihke buriid ja bahás vásáhusaid eallimis. Rohkosa bokte sáhhtá maid átnut ándagassii jos lea bargan juoidá mii ii leat buorre. Muhtimat rohkadallet jos dárbašit veahki čoavdit váttisvuodaid. **OLLUGAT ROHKADALLET EARÁID OVDDAS JA MÁILMMI OVDDAS.** Risttalaččat rohkadallet goas heive. Sis eai leat rohkadallanáiggit maid galget čuovvut.



Ollu mánát rohkadallet eahkedis ovdal go mannet nohkkat.

## RISTTALAČČAID DEHÁLEAMOS ROHKOS LEA ÁHČČÁMET

*Áhččámet, don guhte leat almmis. Basuhuvvos du namma. Bohtos du riika. Šaddos du dáhttu, mo almmis, nu maiddái eatnama alde. Atte midjiide odne min beaivválaš láibbi. Ja atte midjiide min sudduid ándagassi, nugo mii ge ándagassi addit velggolaččaidasamet. Ale ge doalvo min geahččalussii, muhto beastte min bahás eret. Dasgo du lea riika ja fápmu ja gudni agálašvuhtii. Amen*

Mat 6. 9–13

## JESUS LEA RISTTALAČČAID OV DAGOVVA

Jesus lei buorre. Son dálkkodii buhcciid, ja geahčai bearrái ahte olbmot ožžo borramuša ja veahki. Son lei ovttas olbmuiquin geat olgguštuvvojedje. Ollu risttalaččat háliidit eallit seammá láhkai go Jesus. Sii veahkehit gefiid, ja vuos-tálastet eahpevuoiggalašvuoda sihke iežaset guovllus ja muđui máilmmis.



Veahkebargit veahkehit olbmuid go lea dárba. Dás oaidnit Eric Ole Gjerdrum juohká biepmu Moskva gefiide.

Muhtin olbmot háliidit gádjut olbmuid geat vásihit heakkaváralaš lihkohisvuodaid. Sii hárhallet ollu vai galget máhttit gádjut olbmuid go lihkohisvuodat deaividit.

